

榆次縣志卷十

禮俗攷

昔者經國叙民一準乎禮語其大則國典朝章語其細則節文器數通乎日用尋常胥是道以維繫焉榆次曩代典禮書缺有間清代會典通禮悉著官書民間又未必盡循也茲之所錄特就冠婚喪祭歲時祀典諸大端詳爲考證雖曲文小節幾於村各爲俗然士大夫好禮之家類能遵循古制繁簡得中富不至越禮貧不至失儀禮失求野倘亦入國問俗所不鄙乎

冠 冠禮之始也古者男子三十而娶二十而冠自後世尚早婚

榆次縣志

卷十 禮俗攷 冠婚喪祭

一

而冠禮遂漸不行榆俗在清季尚有於結婚時兼行冠禮者今則時移代異此禮幾全廢矣

榆俗重男輕女小兒初生多由父母託人向隣里募化錢帛錢則購買銀鎖帛則製辦法衣與小兒穿帶名之曰百家衣百家鎖募此二物不拘財帛多少必滿百家之數以取人多保佑之義彌月或週歲家人具酒食延戚友為湯餅會戚友則預送首飾銀鎖等物以賀之又子嗣稀少人家或認子息繁衍之老嫗為義母或認寺廟和尚為師傅認義母者每年終取紅繩一條繫一錢於其上帶兒胸前謂之送鎖滿十二歲則擇吉日備祭品會親族相飲食邀義母頌祝詞將前鎖剖開對神焚化謂之開鎖又曰圓鎖其認師傅者則由師傅錫以法名給以僧帽若徒弟然滿十二歲時送老和尚一替身驢或折錢十數緡令其假徒在廟中上供將僧衣帽脫棄廟中踰牆而歸老和尚故意鳴鐘示衆報告某小和尚逃走經此一番趣劇後則可公然還俗娶妻生子矣

婚 婚嫁之禮一邑大略相同男女訂婚多在十三至二十歲之

間二十以上訂婚者極少童養及指腹爲婚者亦間有之訂婚必受命於父母納采男家用釵釧首飾之類女家以書筆冠履之類答之吉期既定男家預以衣服首飾肉麵聘禮致送卽請

期納幣之義也至於成婚之禮則涂河南北微有不同涂北娶婦之日新郎披紅簪花乘轎輿赴女家親迎擇親友之知禮者爲相俗稱娶客女家以酒席待之新郎必暗取盃箸食物藏於懷中謂之偷富貴新婦登轎必俟黃昏燈燭輝煌鼓樂喧闐陪妝及送客在後隨之以取陽往陰來昏時成禮之義既迎婦歸燃穀草兩束於門前火光照耀謂之旺草夫婦下轎至天地位前並拜但新郎起跪而新婦直立且不交拜焉隨備盛饌款送客宴畢客辭夫婦同入洞房關門熄燭謂之過夜須臾開門送新婦於別家次日擇二少婦迎回謂之換梳頭自民國以來此俗漸替而交拜之禮迄未普行涂河以南新婦下輿擇親族中

有夫多子之婦扶之至天地位前共拜之後交拜入洞房初饌婦座席首而隨新婦之嫗陪焉以賓禮接之也次日黎明至近族家梳裝歸謁宗圖訖乃拜舅姑並徧拜宗族之近支成婦禮也岳家於女嫁十日後擇吉備帖迎女及婿往謂之住十天翌日備饌婿與女徧謁其近族有婿歸而女住匝月者謂之住對月明年正月謂之住正月如住十天然

鄉農娶婦者尚存古風凡新婦初適夫家三年以內則與姑共紡棉花成布供家人衣服謂之夥紡三年以外則另付新婦棉花數斤以備夫婦衣服謂之另紡近年繁盛村莊則習染驕侈此風幾莫覩矣

喪 榆人素重喪葬普通人家自含至殯必盡禮始死三日親族以紙箔來弔謂之掩柩俗呼封口卽古之大殮也在此三日內

飲食必薦晨昏必奠哭泣盡哀每七日家人哭奠謂之過七富  
家率以首七報訃開弔盡七設帖屆時必用鼓樂或僧道等喧  
聒又帖載遵行家禮者卽行家祭距城近處早午晚三次祭南區則晚間祭亦三次闔門用鼓  
樂禮生吉服贊引鳴鐘鼓歌詩主人則冠杖衰經以將事葬亦  
如之葬之日親友齊來執紼謂之送殯柩至墳祀后土成主焚  
冥器置柩掩壙訖哭拜而返第三日外家備祭品偕喪主如墳  
祭奠並以具修墓使圓謂之圓墓亦名曰復三

凡始喪者子必如外家叩頭報喪單丁者亦然不如是外家必有責言俗稱央主兒三日外家來弔祭主人奉之惟謹間有故示刁難者在婦女為尤甚若婦歿則婿如岳家報喪三日弔祭其刁難有尤甚者蓋親死未棺殮卽赴外家路遠者或需一日一夜之久此在單丁尤非人情外家刁難亦惡作劇凡此諸端極宜變通或改革者也

祭 親歿後百日週年二週年三週年以及誕日忌辰等必親赴

墓所致祭屆時親友亦有來祭者大抵但薦羞不備禮至於祀  
祖之禮則以元日冬至爲上祭有家廟者祭於廟無廟者祭於  
家清明節中元節及十月朔祭於墓

歲時 歲時之俗大抵同於他縣所陰歷正月初一日謂之元旦各  
家禮神祀祖爆竹之聲通宵達旦長幼依序叩拜祀品除胡桃  
柿餅粘等年食外間有供羊者謂之平安羊親友往來叩賀長  
者以錢賜兒輩謂之壓歲錢 初二日例不賀年歲屬有喪者  
必前往致祭 初五日俗呼五窮日是日黎明洒掃以塵穢納  
箕中上置紙炮至街頭燃之謂之鞭窮土亦曰送窮 初十俗  
名老鼠娶婦節夜旣靜於暗處點燈焚香人家多食糕 十五

爲元宵節是日以湯圓「俗呼元宵」祀神及祖城市鄉鎮張燈結彩並有龍燈社火抬閣高躋種種游藝士女畢聚途爲之塞俗名鬧元宵前後凡三日 二十曰小添倉二十五曰老添倉日夕則置燈於水缸或米麵器並將各物逐項增加以取吉利清明前二日曰一百五亦曰寒食亦有以清明前一日爲寒食者一百五至清明俱上墳祭祖民國以來定清明爲植樹節各村均於是日添置樹株 五月初五名端陽節亦曰夏節是日食角黍飲雄黃酒門窗徧插蒲艾小兒耳鼻等竅塗抹雄黃並肩綴綢布蛇虎襟繫香囊綵索以辟邪穢 伏日採樗實煎湯浴兒云不病熱 七月十五爲中元節是日掃墓農家掛花紙

於田禾謂可避冰雹入夜佛徒作盂蘭盆會間有放河燈者八月十五爲中秋節是日親友以瓜果月餅相餽贈入夜聚衆歡飲謂之賞月 九月九日爲重陽節是日登高賞菊人家多食糕謂之食花糕 十月初一掃墓剪紙作衣衫形雜冥楮焚之曰送寒衣 冬至曰冬節是日禮神祀祖並掃墓俗有新冬勝舊年之諺 十二月初八日俗名臘八是日以黍米拌棗肉煑粥爲食名臘八粥 二十三日祭竈以錫爲瓜供神前糊曰神口入夜取竈牌焚之謂之送竈 除夕另貼新竈牌焚香上供謂之接竈是日備祭品貼春聯爆竹迎神徹夜不寐謂之熬年民國成立雖明令頒行國曆然民間風氣迄未少改云

春初迎神賽會多放架火南莊村架火尤有名架桌高臺常年十二閏月十三其桌面作金碧樓閣全用紙製頂豎二旗側簇花幡綴鈴鐺中聯炮火若纓絡然炮面紙條具各種花樣有逾纂繡架火中無植竿四角各以繩牽之固他處所無也

又凡祈雨請神兩村互為迎送謂之神親或迎龍神或迎狐大夫或迎李衛公或迎麻姑或迎小大王得雨則酬神演劇並請闔廟之神謂之請後神

祀典 民國肇興專重人事除文廟大祭列入祀典外其餘跡近淫祀者多斷然廢止民國三年政事堂禮制館議定崇祀關岳與祀孔典禮同一隆重於是丁祭戊祭先後舉行祀典之隆崇禮儀之嚴肅為歷代所未有近雖明令廢止丁戊兩祭然仍定八月二十七日為孔子紀念日至日並演述孔子之言行事蹟以誌景仰焉茲將文武廟祀典儀式分述如左

### 祀文廟儀式

祭之日昧爽執事陪祀各官員預集文廟恭候正獻官至廟門外贊引由櫺星右門入進更衣所更服盥洗畢司祝以祝版進正獻官恭閱署名司祝捧

### 榆次縣志

### 卷十 禮俗攷 祀典

五

祝版進奉於祝案典儀贊鼓初嚴執事員各就位鼓再嚴樂舞生就位燃燭焚香鼓三嚴執事員各司其事贊引正獻官由大成門右門入升午階典儀贊正獻官就位分獻陪祀官各就位典儀贊關戶迎神舉迎神樂奏昭和之章起祝鑄鐘鳴擊編鐘樂作贊引贊鞠躬再鞠躬三鞠躬傳贊贊亦如之各官員三鞠躬樂止擊特磬夏敵典儀贊奠帛爵行初獻禮司帛爵各捧帛爵以進典儀贊舉初獻樂奏離和之章起祝鑄鐘鳴擊編鐘樂作贊引贊詣奠帛位引正獻入殿右門詣帛案前立贊獻帛正獻受帛拱舉司帛奠於案正中贊詣獻爵位引正獻詣爵案前立獻爵正獻受爵拱舉司爵奠於墊中贊復位引正獻仍由殿右門出拜位立典儀贊分獻官各行初獻禮分贊引分獻入殿左右門分就配位哲位前引兩廡分獻分就兩廡先賢先儒位前立受帛爵拱舉司帛爵獻於案上典儀贊讀祝司祝就祝案前立贊引贊詣讀祝位引正獻入殿右門詣讀祝位立樂止贊讀祝司祝讀祝畢正獻拱舉司祝奉祝版至至聖先師孔子位前安於筐內退樂作贊引贊復位引正獻復拜位立贊鞠躬樂止擊特磬夏敵典儀贊行亞獻禮舉亞獻樂奏熙和之章起祝鑄鐘鳴擊編鐘樂作贊引贊詣獻爵位引正獻入殿右門詣爵案前立贊獻爵正獻受爵拱舉司爵奠於墊中贊復位引正獻仍由殿右門出復拜位立典儀贊分獻官各行亞獻禮如初獻儀樂止擊特磬夏敵典儀贊行終獻禮舉終獻樂奏淵和之章起祝鑄鐘鳴擊編鐘樂作贊引贊詣獻爵位引正獻入殿右門詣爵案前立獻爵如初獻儀樂止擊特磬夏敵典儀贊行終獻禮舉終獻樂奏淵和之章起祝鑄鐘鳴擊編鐘樂作贊引贊詣獻爵位引正獻入殿右門詣爵案前立獻爵如初贊復位引正獻仍由殿右門出復拜位立典儀贊分獻官各行終獻禮如亞獻儀樂止擊特磬夏敵典儀進至殿東西向立贊賜福胙退贊引贊詣飲福受胙位引正獻詣飲福受胙位正立捧福胙員就東案捧福胙祇立正獻之右接福胙員祇立於左贊飲福酒右員進福酒正獻受爵拱舉授左員贊受福胙右員進胙正獻受胙拱舉授左員贊復位引正獻復拜位立贊鞠躬傳贊贊亦如之各官皆鞠躬典儀贊正獻分獻陪祀官謝福胙贊鞠躬再鞠躬三鞠躬典儀贊徹饌舉徹饌樂奏昌和之章起祝鑄鐘鳴擊編鐘樂作司爵

各進神位前徹籩豆各一少移故處樂止擊特磬夏啟典儀贊送神舉送神樂奏德和之章起祝  
罇鐘鳴擊編鐘樂作贊引贊鞠躬再鞠躬三鞠躬傳贊贊亦如之各官皆三鞠躬樂止擊特磬夏  
啟典儀贊司祝者捧祝司帛者捧篚司爵者捧酒饌各詣燎所執事各員依次由中道出恭送燎  
爐典儀贊望燎贊引贊詣望燎位正獻轉立拜位傍西向俟祝帛燎畢贊復位樂作典儀贊闔戶  
有司闔戶訖贊禮成樂止贊  
引正獻入更衣所更服出廟

### 祀武廟儀式

祭之日黎明正獻以下皆具祭服集致齊所正獻盥手閱祝版署名訖司祝進  
奉於祝案俟鼓三嚴贊引引正獻入武成門左門分贊引分獻傳贊引與祭員

隨入典儀贊樂舞生就位執事員各司其事贊正獻分獻及與祭員皆行三鞠躬禮鞠躬再鞠躬三鞠躬樂  
和之章樂作贊引贊三鞠躬傳贊贊正獻分獻及與祭員皆行三鞠躬禮鞠躬再鞠躬三鞠躬樂  
止典儀贊奠帛爵行初獻禮舉初獻樂奏安和之章司帛爵捧帛爵各進神位前立樂作贊引贊  
詣奠帛位引正獻入殿左門詣關壯穆候帛案前立贊奠帛正獻受帛拱舉仍授司帛奠於案正  
中退贊詣獻爵位引正獻詣關侯爵案前立贊獻爵正獻受爵拱舉仍授司爵奠於爵案正中退  
贊詣奠帛位引正獻詣岳忠武王帛案前奠帛贊詣獻爵位引正獻詣岳王爵案前獻爵均如前  
儀贊復位引正獻仍由殿左門出復拜位立分贊引兩序分獻入殿左右門各就案前立受帛爵  
拱舉仍授司帛爵獻於案上退司祝就祝案前捧祝版至案西先立樂暫止贊引贊詣讀祝位引  
正獻進殿左門詣讀祝位正立典儀贊讀祝司祝讀祝畢正獻受祝版拱舉仍授司祝司祝捧祝  
版至關侯位前安於篚內退樂復作贊引贊復位引正獻出殿左門復拜位立樂止典儀贊行亞  
獻禮舉亞獻樂奏靖和之章樂作司爵捧爵分詣神位前拱舉各奠於左退樂止典儀贊行終獻  
禮舉終獻樂奏康和之章樂作司爵捧爵仍分詣神位前拱舉各奠於右退樂止典儀進至殿東

## 榆次縣志

### 卷十 禮俗攷 祀典

六

西向立贊受胙退贊引贊詣受胙位引正獻進殿左門詣受胙位正立司胙執胙至正位前拱舉  
退立於正獻之左接胙進立於右贊引贊受胙正獻受胙拱舉授於右贊復位引正獻出殿左門  
復拜位立贊三鞠躬傳贊贊正獻分獻及與祭員皆行三鞠躬禮鞠躬再鞠躬三鞠躬如前儀典  
儀贊徹饌舉徹饌樂奏蹈和之章樂作司爵各進神位前徹籩豆各一少移故處退樂止典儀贊  
送神舉送神樂奏揚和之章樂作贊引贊三贊鞠躬傳贊贊正獻分獻及與祭員皆行三鞠躬禮  
如前儀樂止典儀贊奉祝帛送瘞司祝帛爵各進神位前恭捧祝帛酒饌依次送往瘞所時贊引  
引正獻轉立西旁俟祝帛過畢仍引復拜位立樂作司瘞焚帛典儀贊禮成贊  
引引正獻出武成門左門分獻以下隨出至致齋所樂止正獻以下更衣各退

文廟禮器皆為銅鑄計鼎劔籩簋豆 籩制均古雅非近代物今

所存者為

銅劔四

銅籩二十一

大十八  
小三

銅簋十四

銅豆一百二十六

圓底五十三  
平底七十三

銅爵六十五

帶脚三十  
無脚三十五

銅籩一百七十五

高七十八  
低九十七內有四件與豆相連

文廟內名宦鄉賢忠義各祠均列祀典舊例逢丁祭日一同致祭

名宦祠祀 周 知徐吾 晉 荀藐 唐 孫湛 宋 文彥博桑安世唐恪盛子

思李諒 金 楊伯元李好復 元 張儉侯洪齊思恭程克明劉鏞 明

姚翥劉俊劉震宋信梁琮張鐸張鑑蘇民鄭德崇張穆陳恂俞

鸞王宮用蕭大亨姚德重李光祖徐守謙張鶴騰史記事趙昌

運毛文炳溫敬黨忠宇文鍾徐元孝范宣王恭成憲據山西通

志所載縣志則未詳也

鄉賢祠祀 明 贈光祿寺少卿 周鈇 南陽府同知 任義 涇州守 孫昌 贈工部郎中 金鼎 鞏昌府通判 郝毅

大理寺副 寇儉 工部郎中 金中夫 兵部右侍郎 寇天叙 濟南府通判 郭曦 順天府尹 李敏 贈少保戶部尚書

褚鈇 浙江右布政使 寇陽 贈監察御史 周文德 遼東甯前道 張國儒 監察御史 張養 封中書舍人大治知縣 張

榆次縣志

卷十 禮俗攷 祀典

七

九河 清贈刑部郎中 周道興 湖廣巡南兵備道 褚應于共十八位而山西通志榆次

鄉賢則有 宋贈太尉諡忠愍 夏守贇 贈昭信軍節度使諡莊恪 夏隨 德州刺史 閻守恭 贈右僕射諡文莊 高若

訥 明山東參政 張旗 薊州僉事 左應選 清曹州府知府 張在 四川布政使 李如蘭諸神位今已

無存殆壞而不置歟邑人士徵文考獻亦不宜忽視之也

忠義祠祀 清廣東左布政使 桑芸而山西通志載榆次忠義孝弟祠則有 唐

馮秀誠王士昊 元 許諒 明 趙復性豈以馮王諸人屬於孝弟故

廢而不置歟抑諸神位早經失毀邑中無徵歟茲特為標出以

俟博雅君子考證焉

通用禮節 附

(甲) 跪拜禮 有拱手揖與叩首之分拱手揖止揖不跪叩首則揖跪兼行有一跪一叩首者有一跪三叩首者最重禮節為三跪九叩首與四頭八拜兩種清制多行跪拜

禮降及民國雖明令廢止然民間遇  
婚喪大故及禮神祀祖仍沿用之

### (乙)脫帽鞠躬禮

此為現在最通行禮節尋常慶弔及宴會交際用脫帽一鞠躬禮祀  
典慶典婚喪聘問用脫帽三鞠躬禮尋常相見用脫帽禮女子亦適

用一鞠躬或三鞠躬禮但不脫  
帽又尋常相見用一鞠躬禮

### (丙)舉手禮

軍人室外行舉手禮室內行脫帽鞠躬禮